



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Avrelii Avgvstini Hippon. Episcopi Meditationes,
Soliloquia et Manuale**

Augustinus, Aurelius

Coloniae Agrippinae, 1649

Quod quanto major sit de Deo meditatio, tanto sit & dulcior, 14

[urn:nbn:de:hbz:466:1-54885](#)

2. Sed desperare jam non audeo, quoniam
subditus ille tibi usque ad mortem, mortem
autem crucis, tulit chirographum peccato-
rum nostrorum, & affigens illud cruci, pec-
catum crucifixit, & mortem. In ipso autem
securus respiro, qui sedet ad dexteram tuam,
& interpellat pro nobis. In ipso confusus, ad
te pervenire desidero, in quo jam resurrexi-
mus & reviximus, jam in cœlum consendi-
mus, & in cœlestibus considemus. Tibi
laus, tibi gloria, tibi honor, tibi gratiarum
actio.

C A P V T X I V.

*Quod quanto major sit de Deo meditatio,
tanto sit & dulcior.*

1. **P**iissime Domine, qui sic nos amasti,
& salvasti, sic vivificasti & sublimasti.
Piissime Domine, quam dulcis est memoria
tui! Quanto magis in te meditor, tanto es
mihi dulcior & amabilior. Idcirco delectant
me valde bona tua puro mentis intuitu, &
dulcissimo pii amoris affectu, in loco pere-
grinationis meæ, juxta modulum meum.
Interim quamdiu his fragilibus subsisto
membris, miram tui dilectionem & pul-
chritudinem indesinenter cupio desiderare
& considerare: tuæ enim charitatis jaculo
vulneratus sum: tui vehementer desiderio
flagro; ad te pervenire cupio, te videre
desidero. Idcirco super custodiam meam
stabo, & vigilantibus oculis psallam spi-
ritu, psallam & mente; & totis viribus
meis te, factorem & refectorem mei,

O 4

col-

collaudabo. Polum penetrabo mente, & desiderio tecum ero; ut in præsenti quidem miseria solo corpore tenear: tecum autem cogitatione & aviditate, atque omni desiderio sim semper; quatenus ibi sit cor meum, ubi tu es, thesaurus meus desiderabilis, incomparabilis, multumque amabilis.

2. Sed ecce, Deus meus piissime ac misericordissime, dum tuæ immensæ bonitatis & pietatis gloriam considerare volo, cor meum non sufficit: excedit enim omnem sensum humanæ mentis tuum decus, tua pulchritudo, tua virtus, tua gloria, tua magnificentia, tua majestas, & tua charitas. Sicut inæstimabilis est tuæ gloria splendor, ita ineffabilis est æterna tuæ charitatis benignitas; qua illos, quos de nihilo creasti, adoptas in filios, & tibi conjungis.

C A P V T X V.

Quod desideranda sint pro Christo tribulaciones in hac vita.

I. **O** Anira mea, si quotidie oporteret nos tormenta perferre, si ipsam gehennam longo tempore tolerare, ut Christum in gloria sua videre possemus, & Sanctis ejus sociari; nonne dignum esset pati omne quod triste est, ut tanti boni tantæque gloriæ participes haberemur? Insidentur ergo dæmones, parent suas tentationes, frangant corpus jejunia, premant carnem vestimenta, labo-